

## HEADLINES (EVENING)

Date – 10/12/2024

Time - 18:30 -18:40Hrs

- Chief Minister Pu Lalduhoman, Kalphung thar mipui Sorkarin Banakaih policy hmangin mipuite rilru puthmang siam that an tum a ti.
- MPCC President Pu Lal Thanzaran inthlan lehah an sawrkar chuan oil, buhfai leh chhiah uchuak taka tihsan an ennawn leh vek dawn a ti a, NLUP changtlung zawkin an kalpui leh ngei dawn a ti.
- President Droupadi Murmu-in mi zawng zawng dikna leh chanvo humhalh turin chhehvel thilte uluk a pawimawh thu a sawi.
- Kum 2015 nen khaikhinin kum 2023 khan ramchhungah TB avanga thi zat za-a 21.4-a in a tlahniam.

&lt;&gt;&lt;&gt;&lt;&gt;

## CM

Chief Minister Pu Lalduhoman, Kalphung thar mipui Sorkarin Banakaih policy hmangin mipuite rilru puthmang siam that an tum a ti.

ZPM Zonu General Headquarters Advance Christmas hun a telpuinaah he thu hi sawiin Pu Lalduhoma chuan, hun rei tak chhung Sem policy hmangin Mizoram chu kaihhruai a lo ni tawh thina, chuchuan kawng tam takin mipuite rilru puthmang a dik lo zawngin a hruai nasa hle a ni, sem policy khan mi tam tak kutdawh rilru a put tira, chu chuan mipuite hmasawna tur a tithuanawp a, Kalphung thar mipui Sorkar erawh chuan Sem Policy ni lovin Thawhrimna an zuara, Bana kaih handholding Policy hmangin mipui rilru puthmang siam that an tum mek a ni,a ti.

Chief Minister chuan, Hanholding Policy hnuaiah Entrepreneurship Hand holding, Chief Minister Special Package leh Thlaithar lei kalpuin hma an la mek tih sawiin, hengte hi ruahmanna felfai tak leh kalphung mumal tak hnuaiah lo chuan thil tih theih a ni lova, Thlaithar lei chungchanga ruahmanna an siamte pawh mipuiten lo ngaihvena, thawhrim rah duhawm tak seng turin duhsakna a hlan tih a sawi a ni.

Chief Minister chuan,ZPM Party chu party naupangte nimahse Opposition nih lai atang tawhin beihrawn a hlawh hle a, Sorkarna an chan hnuah pawh thudik tawk lo hmanga beih chhunzawm an ni reng tih sawiin, mipui tana thudik hriat hleih theih loh khawpin beihna an tawk fo a, mipui hnena thudik an puanchhuah ve fo a tul a ni a ti.

&lt;&gt;&lt;&gt;&lt;&gt;

## MPCC

Mizoram Pradesh Congress Committee President Pu Lal Thanzaran inthlan lehah an sawrkar chuan oil, buhfai leh chhiah uchuak taka tihsan an ennawn leh vek dawn a ti a, NLUP chu mithiam zawkte râwnin changtlung zawkin an kalpui leh ngei dawn a ti.

MPCC Special Assembly vawiina Aizawla neihah he thu hi sawiin Pu Lal Thanzara chuan ZPM sawrkar chuan an enkawl mipuite oil man leh chhiah te, buhfai man te an tihsan khum a, an ni hlawh leh hamthatna hrang hrangin an inhaivur leh si a ni a

ti a. Flagship Programme chu anmahni duanchhuah ani lova, central scheme awmsa a ni a ti a, he scheme hi nawlpui, lekhathiam lo leh pianphunga rualban lo te tan chuan tum chhin chi pawh a ni meuh lo a. Thiamna neih ngai, project siam ngai a ni zel a ni, a ti.

ZPM chu an insawi angin an kal lova, inrenchemna kalpui anga insawiin tul lovah hna an siambelh avangin cheng vaibelchhe sawm tel an senbelh mek a ti a. MLA Fund te tul lovah an tisang a, kum tin cheng vaibelchhe 80 lai an seng dawn tih sawiin tuna VC inthlan an sawn hma pawh hi mipui kutthlakna zah lohna nasa tak a ni a, Democracy palzutna a ni a ti a. Mipui rilruah an hniam tial tial a, sawhthing hralhna tha an hmu dawnin a lang si lova, rulling VC neih tlem an hlau si a, heti hian an che ta niin a lang a ti.

Pu Lal Thanzara chuan Congress party chuan Mizoramah ro an rel rei ber a, Development pawh Mizoram tan an thlen hnem ber a ni a ti a.

MPCC Special Assembly hi Sr Vice President Pu Lalnunmawia Chuaungo chuan a kaihuai a, kalkhawmten resolution siamin, NLUP kalpui leh an tum thu te leh, Mizoram Lokayukta thum chaka thuneihna sang zawk pe turin hma lak an tum tur thu te an sawi a ni.

<><><>

#### SARAS FAIR 2024

Mizoram State Rural Livelihood Mission (MzSRLM) leh Rural Development Department buatsaih, thingtlanga kuthnathawktu hmeichhiate tharchhuah zawrhna, Sales of Articles of Rural Artisans Society (SARAS) fair vawi - 10na chu vawiin khan Aijal Club Park ah tan a ni a, Rural Development Minister Prof. Lalnilawman a hawng.

Minister chuan thingtlanga hmeichhiate kut hnathawh chawikan nana dept hmalakna chu fakawm a tih thu a sawi a. Thingtlanga kuthnathawktute chawikan nan an thil siam chhuah te ram danga thawn chhuah a nih theih nan theihtawpa hmalak a nih thu sawiin RD block hrang hrangah Cluster Level Federation building changtlung tak neih a nih theih nan hmalak mek a nih thu a sawi bawk.

Prof. Lalnilawma chuan December ni 20 hian MzSRLM leh Reliance Fresh ten inremna thutlung MoU ziaik tura hmalak mek a nih thu sawiin, kartin sawhthing kg 100 leh hmarcha kg 25 supply tura inbiak rem a nih tawh thu a sawi.

He hun hmannaah hian lawmman hrang hrang sem niin, Community Service Award chu Meidum Village Organisation hnenah hlan a ni a, Best Performing Cluster Level Federation chu Tuikum CLF te hnenah hlan niin Outstanding Service Award chu Far Park Level Federation hnenah hlan a ni bawk.

Saras Fair ah hian dawr hrang hrang 49 awmin, thingtlang kuthnathawktu hmeichhiate siam chhuah leh thar chhuah hrang hrangte zawrh a ni a, fair hi karleh thawhlejni thleng neih a ni ang.

<><><>

#### PARAGLIDING WORLD CHAMPIONSHIP

International Paragliding Accuracy Championship-2024 chu vawiin khan Serchhip ah tan a ni a, Bawngchawma Pilot te thlawhchhuahna hmun 'take off point' ah a hawna inkhawm tawi buatsaih niin Serchhip DC Pu Paul L.Khuma, International Paragliding World Championship Organising Committee Chairman ni bawk chuan Pilot thlawk chhuak hmasa ber te hi a vailiam a ni.

International Paragliding World Championship hi vawiin atanga Zirtawpni thleng inelna an nei dawn a. A kharna programme hi Chief Minister Pu Lalduhoma hoin Zawlpui leileta pilot te tumna hmun landing site ah neih a ni dawn a ni.

He inelnaa tel tura Spain atanga lo kal, kum 56 mi David Contraras chuan Serchhip boruak nuam a tih thu leh, him taka inelna an neih ngei a beisei thu kan corr a hrilh a ni.

International Paragliding Accuracy Championship and Air Sport Festival chhung hian Zawlpuiaah stall chi hrang hrang hawn niin mipui a duh apiang tan ei leh in tur, thei leh thlai, sangha man thar, Serchhip District chhunga an thil siam chhuah chi hrang hrang lei tur a awm a. Nghakuai chiah runpui neih a ni bawk a. Man chawia paragliding a thlawk duh te tan intihsiakna neih zawh atang hian a duh apiang tan chuan theih a ni dawn bawk a ni.

<><><>

PRESIDENT DROUPADI MURMU SAYS, CYBER CRIME & CLIMATE CHANGE NEW THREATS TO HUMAN RIGHTS

President Droupadi Murmu-i chuan mi zawng zawng dikna leh chanvo humhalh a nih theihna turin chhehvel thilte uluk a pawimawh thu a sawi.

President hian vawiin khan National Human Rights Commission-in New Delhi-a Human Rights Day an hman chu a hmanpui a. President chuan sik leh sa inthlak chho zel leh internet hmanga sual rawngbawlna chu mihring dikna leh chanvo palzutna thar a ni a ti. Internet kheuhrelh thilah hmasawna inmung mek mah se; chumi thil veka intihmanganna te, lem chhan te, mimal thil puan zar leh thu thik lo thehdarh a tipung nasa a ni a ti.

President chuan reitheih dawmkan kawngah te, riltamna tihreh kawngah leh rualkhai taka thalaite hmalaksak kawngahte India chu khawvel tan entawn tlak a nih thu a sawi bawk.

<><><>

TB DEATHS REDUCED BY 21.4 PERCENT IN 2023

Sawrkar laipui chuan kum 2015 nen khaikhinin kum 2023 khan India ramah Ngawr natna (TB) avanga thi za-a 21.4-a an tlakhniam thu a sawi.

awiin khan Rajya Sabha-a zawhna chhangin Union Minister of State for Health and Family Welfare, Anupriya Patel chuan TB vanga thihna chu kum 8 kalata chhung khan mi nuai khata 28 atangin nuai khat zela mi 22-ah a tlahniam a ni a ti.

<><><>